



## Dè tha Dol ann an Clas 1-2



Thàinig Alasdair Satchel dhan chlas againn airson obair a dhèanamh mu fiolmaichean. Abair gun do chòrd e rinn. Rinn sinn na buird-stòiridh againn fhèin agus chluich sinn geama neo dhà. Thàinig Clas 3/4 a-steach còmhla rinn.

Seo aon de na bùird-stòiridh a chruthaich sinn mu taigh eagalach.



Mar phàirt de Fèis Faclan Og 2019 thàinig Ariel Killick a-steach a dh' innse dhuinn mu An Fhìor-sgeul mun Nighean Bàn. Ghabh sinn fhèin agus clann bhon Sgoil Araich páirt ann am bùth-obrach far an robh sinne ag aithris an stòiridh.




## Ar Turas Gu Oifis a' Phuist

Tha sinn air a bhith a' coimhead air leabhairchean Ceitidh Mòrag agus tha i a' fuireach ann an oifis a' phuist. Sgrìobh sinn litrichean anns a' chlas gu cuideigin a tha a' fuireach còmhla rinn agus an uairsin thug sinn na litrichean sios gu oifis a' phuist. Ann an sin chuir sinn stampa air gach litir agus chuir sinn iad dhan bhogsa. Fhuair Eilidh iuchair airson am bogsa fhosgladh agus chuidich na puist sinn a' cuir stamper air na litrichean agus an uairsin a' lorg far an robh na taighean againn fhèin. Fhuair sinn uile muileann-gaoithe dathach. Chòrd e rinn gu mòr a bhith a' faighinn a-mach dè a tha a' tachairt do litir. Bha a h-uile duine ch laghach rinn. Abair turas!



Seo sinn ag obair air 'collages' de Céitidh Mòrag agus an dà ghranaidh aice, Babs agus Catriona Jess. Bha againn ri smaoineachadh air am fiosrachadh a fhuair sinn bhon leabhair. Tha iad a-nis deiseil agus air a' bhalla. Abair gu bheil sinn toilichte le ar obair!





Seo sinn a' bëicearachd Malteser Cookies airson a bhith aig na pàrantan aig Cafaidh Làtha na Gàidhlig.

Bha sinn a' tomhais na rudan a bha ri dhol ann, a' prannadh na Maltesers, a' measgachadh agus an uairsin gan cuir dhan àmhainn. Nach e Lily agus Christie a tha a' coimhead cionntach, tha mi an dòchas nach do ghoid iad pìos air an rathad dhan àmhainn!!!



Airson Làtha na Gàidhlig a chomharrachadh rinn an sgoil againn diofar rudan spòrsail. Thàinig Mòrag Anna NicNèill a-steach a dhèanamh stòiridh leinn. Abair gun robh seo èibhinn. 'S ann mu dheidhinn beathaichean air a bheil ainmean èibhinn a bha an stòiridh. Bha e sgoinneil. Rinn sinn beagan seinn còmhla ri Mr MacIver aig a' chafaidh a bha aig na pàrantan cuideachd. Fhuair na pàrantan cothrom bëicearachd na clasaichean fheuchainn ann an sin. Bha sinne gu math toilichte leis na left-overs!!!!



Tha sinn air a bhith ag ionnsachadh mu cumaidhean 2D. Seo Fergus agus Joey iad air cumaidhean a dhèanamh le rudan a lorg iad a-muigh. Chleachd sinn cailc cuideachd airson cumaidhean a dhèanamh a-muigh.



Seall cuid de na dealbhan sgoinneil a rinn sinn.



An dùblan aig Clas 2 - cuir na piosan ri chèile airson cumaidhean a dhèanamh.



Thàinig dadaidh Fergus a tha ag obair airson an RSPB a-steach a bhruidhinn rinn. Sheall e dhuinn cho mòr 's a tha iolairean agus chunnaic sinn gun robh iad tòrr nas mothain sinne! Sheall e dhuinn cnàmhan iolairean cuideachd agus pellet. Dh' innis e dhuinn mu mar a tha iad a' cumail sùil air iolairean le tags.